



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1719. usque ad annum 1720

**Fleury, Claude**

**August. Vind. [u.a.], 1782**

**VD18 13322648**

§. 51. Laurentii Casonii Cardinalis decessus.

---

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII. qui ad Montem pietatis excubabant, A. C. 1720. ad strepitum excitati, eundem rogaverunt, ut cum suis quiete domum reverteretur. Altera die de injuria sibi a Secretario illata questus, veredarium in Franciam ablegavit, vicissim quoque Hugo Franciæ aulam de hac controversia certiozem reddidit: hujus denique litis decisio Siftericensi Episcopo, qui Gallicarum rerum promotionem Romæ in se susceperat, commandata est: Interim Philippus Gallici Regni Administrator Cardinali de Gesures Abbatiam S. Amandi concessit, & Guilielmum Du Bois ad Cameracensem Archiepiscopatum nominavit.

S. LI.

*Laurentii Casonii Cardinalis  
decessus.*

*Vit. Card.  
t. I. p. 262.*

Alter ex Purpuratis hoc anno denatus erat Laurentius Casonius patris Sarzanensis ex nobilissima Comitum de Villanova stirpe ortus. Hic decimo quarto ætatis suæ anno Romam missus, ibidem Rhetoricis, Philosophicis, & Theologicis disciplinis egregiam navabat operam. Inde vero ob adversam valetudinem Medicorum consilio in patriam reversus, vires studiorum afflictitate debilitatas refecit, postea vero



Romam redux sese totum Præfulis præstantissimi & Consobrini sui Augustini Favoriti, qui Innocentio XI. ab arcanis epistolis erat, fidei ac curæ commisit, ac iterum atque impensius Jurisprudentiæ utriusque necnon juris publici studio incubuit. His scientiis instructus, ab eodem Pontifice unacum Ludovico Bevilaqua Apostolico Nuntio ad Noviomagensis pacis conventum in Geldriam decernebatur, ipsoque Nuntio Romam reverso, adhuc aliquamdiu ibidem substitit, cunctosque Principum etiam Protestantium Legatos sibi conciliavit, & cum iis privatim agens, non pauca, quæ adhuc supererant, negotia scite ac sapienter administravit, summaque ope nixus est, ne quid Catholica religio detrimenti acciperet, nilque Pontificis, quem Protestantes inter Catholicos Principes pacis sequestrum admittebant, auctoritati derogaretur. Rebus ita prospere compositis Casonius Belgium & Franciam peragravit, aliquamdiu Parisiis demoratus: Demum Romam reversus, & Canonicatu *S. Mariæ in Via lata* auctus, mortuo Fabritio in munere Secretarii Consistorialis Congregationis, & sacri Collegii suffectus est, ipsumque Innocentius XI. pariter ab arcanis epistolis habuit, atque ab eodem Papa

Sæc. XVIII.  
A. C. 1720.

Uu 2

Cano-



Sæc. XVIII Canonatum Basilicæ Liberianæ, di-  
A. C. 1720. missio priori obtinuit: Nec tamen præ-  
 ceptis hæc felicitas sine invidiæ, acmo-  
 lestiæ fæcibus fluxerat; cum enim Ca-  
 sonius apud Innocentium Papam au-  
 thoritate & gratia plurimum valens,  
 Sedisque Apostolicæ auctoritatem con-  
 tra Cleri Gallicani conventum firmo  
 pectore tueretur, hinc extremum Gal-  
 licæ Aulæ odium in se accersivit, cuius  
 etiam contra Gallicanas libertates as-  
 creta Casonio fuere imputata: nec Gal-  
 licis partibus addicti acquievere, do-  
 nec mortuo Innocentio Alexander VIII,  
 Casonium ab Aula Romana removeret  
 eumque Cæsarensis Archiepiscopi ti-  
 tulo honoratum Neapolitani Regis  
 Nuntium Apostolicum declararet, qua  
 legatione ultra decennium fungebatur,  
 justitiæ administrandæ, cultusque De-  
 vini studiosissimus. Inde vero a Cle-  
 mente XI. qui Casonio amicitiae venie-  
 tate, parique affectu conjunctus erat,  
 revocatus, sacre Inquisitionis Assessor  
 nominabatur, quem etiam Clemens  
 jamjam in prima Cardinalium inaugu-  
 ratione Romana Purpura decorare sta-  
 tuerat; nondum tamen deferbuerunt  
 Gallorum aversio; quinimo Rex palam  
 declarabat, se nunquam hunc Præsi-  
 dem pro Cardinale agniturum: nil e-  
 quidem intentatum reliquerat Pontifex,



fex, ut Casonium Regi reconciliaret, hancque in rem eidem sæpius insinua-  
 bat, eum Borbonicæ Domui nunquam  
 fuisse averfatum, imo non levia eidem  
 obsequia, si Cardinalitia fulgeret di-  
 gnitate, præstiturum. Tandem vero  
 a Clemente XI. primum quinto Ponti-  
 ficatus sui anno sacro Purpuratorum  
 Collegio, necnon pluribus Congrega-  
 tionibus Romanis adscriptus, Ferrar-  
 iensis Provinciæ Legatus a latere anno  
 hujus sæculi septimo quidem nomina-  
 batur, potius tamen Belliducem agere  
 jussus; cum enim eodem anno Ponti-  
 fex cum Cæsare collideretur, hicque  
 cum octo armatorum millibus Ferrar-  
 iensem Ducatum invaderet, Casonius  
 urbem, & arcem novis munimentis,  
 annona, ceterisque ad strenuam defen-  
 sionem necessariis instruere, milites-  
 que conducere jubebatur, quin tamen  
 nisi laceffitus atque invasus hostilia a-  
 geret, sed duntaxat illatam vim vi re-  
 pellere satageret: Inter medios hosce  
 bellicos apparatus repente pacis spes  
 affulgere videbatur; Cæsareus enim  
 Gubernator Marchio de Prie Vienna  
 in Italiam profectus, varia conciliatio-  
 nis media Casonio proposuit; cum au-  
 tem is cunctas Italiæ ditiones beneficia-  
 rio nomine Cæsari esse obnoxias pertina-  
 cius contenderet, Casonius Sedis Apo-  
 stolicae

Sæc. XVIII.  
 A. C. 1720.



Sæc. XVIII. stolicae jura infringi ratus, repudiatis  
 A. C. 1720. pacis conditionibus Cæsareos aggressus  
 est, interceptisque Argenta & Mesola  
 Urbibus, captisque præsidiariis Cæ-  
 sareos rusticorum ope ex castris suis  
 non sine magna cæde propulsavit. Auto-  
 vero Cæsaris exercitu Bonevallis Bel-  
 lidux Pontificios ubique in fugam egi-  
 Ferrariensem urbem arte cinxit, &  
 tamque circum Regionem immodicis  
 exactionibus exhaustis, absdubio Fer-  
 rariam admoto totius bellici apparatus  
 instrumento oppugnaturus, nisi Cle-  
 mens Papa quorundam Cardinalium  
 ac præcipue Casonii sententiæ adhe-  
 rens, pacis condiciones iniisset. Red-  
 dita Ferrariensi Provinciæ tranquilli-  
 tate Casonius Fridericum IV. Danicæ  
 & Norvegiæ Regem, qui Ferrariam  
 pertransierat, Regiis quidem sumpti-  
 bus exceptis, sui tamen honoris adeo  
 tenax, ut non nisi stans aut cum Rege  
 obambulans, nunc dextera, nunc li-  
 nistra manu varios haberet sermones,  
 hacque ratione nec honoratiorem lo-  
 cum Regi cederet, nec illum sibi soli  
 reservaret. Tantis interea labo-  
 ribus ac molestiis functus, cum Fer-  
 rariensem aerem sibi minus salubrem  
 experiretur, obtenta Romam redeundi  
 venia, a Clemente XI. Bononiensi Le-  
 gatione honoratus est. Ubi justitiæ  
 publi-



publicæque utilitati undequaque prospiciens, urbem re frumentaria laborantem annona abunde sublevavit, & grassantem animalium luem a Bononiensibus agris provide avertit, necnon saluberrimis edictis toti Provinciæ laudabilissime consuluit. Id tamen præ ceteris memorandum, quod Fridericum Augustum postea Poloniæ Regem ac Saxonix Electorem in Lutheri secta enutritum suis rationum momentis ad Catholicæ fidei gremium reduxit. His præclare gestis ob adversam valetudinem a summo Pontifice permolestam hanc Legationem dimittere permixsus, Romam reversus est, atque ab eodem Papa Assessor S. Officii nominatus, Congregationibus, quibus jam antea adjectus erat, assidue adfuit, novasque Congregationes, quas ei Pontifex addidit, suis consiliis moderatus, atque in omnibus Ecclesiæ negotiis, præcipue in Gallorum dissidiis circa Constitutionem *Unigenitus*, in causa Siculæ Monarchiæ, & Cardinalis Alberonii in consilium adhibitus est; insigni enim rerum gerendarum dextertate, ac singulari experientia præditus, necnon ab omni cupiditate, ambitione, & arrogantia, quæ vitia non raro supremas Ecclesiasticorum dignitates comitantur, omnino alienus erat: Sa-

Sæc. XVIII.  
A. C. 1720.



Sæc. XVIII. A. C. 1720. cros insuper proventus suos religiose ac prudenter distribuebat, maximam illorum partem in usus Sacros impendens. Erexerat in Sarzanensi Ecclesia Cathedrali suis sumptibus magnificentum prorsus Sacellum, cujus mœnia elegantissimo marmore, optimorumque artificum picturis nitide ac munificentissime exornari curavit, in eoque Innocentii XII. & Clementis XI. marmorea Mausolea, ne beneficiorum ab utroque Pontifice acceptorum memoria aboleretur, affabre exsculpta, & Roma suo ære advecta disposuit. Tandem molestissimo morbo correptus, incelsum adhibitis Medicorum remediis Romæ die decima nona Novembris sacrite munitus, piisque meditationibus defixus vivere desiit, annosque natus septuaginta quinque, tumulatus est in Ecclesia S. Petri ad Vincula. Scripta reliquerat Casonius nonnulla opuscula tanta eruditione referta, ut prælo dignissima ab omnibus censeantur.

## §. LII.

*Aloysii Priuli Cardinalis extrema.*

Casonii Cardinalis obitum præcesserat funesta mors Aloysii Priuli patriæ Veneti. Hic ex optimis ac Patriciis Genitoribus, in lucem editus quam